

AGHT 4 Olaf, Helgi, Bjorn, Erik, Loan, Hiallus, Emergaid, Freya

Coolrey: Purt ny hInshey

*Ta Ree Olaf roshtyn Mannin as ta ny Earlaghyn fuirraghtyn rish ec y phurt, gee **key rio** as shooyl noon as noal*

ARRANE: S'mie lhien ve
O s'mie lhien ve ayns Purt ny hInshey
S'mie lhien stravaghey rish y cheayn
S'mie lhien shooyl er y chooylaghyn
Gee nyn mee ayns shee gyn bwoillaghyn

O s'mie lhien ve ayns Purt ny hInshey
S'mie lhien stravaghey rish y cheayn
Raad ta key riojag mie
as ram geinnagh er y traie

Ree Olaf: Whall, my Earlaghyn! Vel shin ooilley ayn?

Earlaghyn: Dy jarroo, o Ree Olaf! Er lheimmey jeh yn Earley Kitter!

Ree Olaf: Kitter? ... magh shelg, s'liklee. T'eh jeean agglagh.
Ah.. lhig yn raad da! Er lhiam nagh vel eh jannoo jeeil! Kys ta r reddyn? Mie lhiu Mannin?

Bjorn: Smie lhiam Mannin agh share lhiam Loghlynn, Ree Olaf.

Erik: Ogh cha nee! Share lhiam Mannin. Ta ben aym ayns shoh! Nee'm tannaghtyn er lhiam, my Ree.

Ree Olaf: Gow dty reih. Shinyn ny Loghlynee. Fodmayd shiaulley gys cheer erbee, tra a erbee. (lesh kied voym) Nish ta paase agglagh jannoo orrym lurg my hurrys. Jough! Ta mee gearree jough...nish! Cappan dy hey..

Earlaghyn: Er.....

Ree Olaf: Dooyrt mee 'Cappan dy hey! Smie lhiam cappan dy hey! She tradishoon Celtiagh ta mee er chlastyn. Nish!'

ARRANE SMIE LHIAM CAPPAN DY HEY

*Choud's ta shen fo raad, ta ny earlaghyn jeeaghyn er shenn **pash-hey** prowal dy eddyn magh cre dy yannoo lesh! Ta Loan, Hiallus, Emergaid as yn carrey choyrle eck, Freya, roshtyn y phurt.*

Ree Olaf: Oh s'mie lhiam Cappan dy...oh, fastyr mie joareeyn voish foddey ersooyl. She Loan Maclibuin, yn Gaaue Graaue eh hene t'ayn, nagh vel?

Loan: Shen eh O Ree Olaf! My 'neen, Emergaid yn Kiaulleaght, as yn carrey choyrle eck, Freya Folt Liauyr
Va shin jus shiaulley shaghey yn aght ta shinyn, ny Loghlynee, jannoo!

Ree Olaf: Mmm! As....??

Emergaid: Insh da, yishag, mychione yn cliwe

Earlaghyn: Cliwe, o cliwe! Wappinyn noa! Yindyssagh!!

Ree Olaf: Insh dou my henn charrey, cre'n cliwe ta shoh!

Loan: Shoh cliwe marrooagh, yn cummey s'jerree ren mee.

Hiallus: (*fo ny feacklyn echey*) Lesh *paart* dy chooney. Phew! V'eh trome!

Loan: Fuirree, fuirree, fir caggee! Nee Hiallus reaghey yn cliwe

Ta ny deiney nyn shassoo mygeayrt goaill yindys choud's ta Hiallus jannoo mooar jeh fosley yn paggad as rubbey sheese y cliwe

Emergaid: Wappinyn, wappinyn, wappinyn! Cha nel mee toiggal eh!

Freya: Nagh vel red erbee *elley* dy smooïnaghtyn er?

Emergaid: Ta. Kiaull myr sampleyr. Shoh shenn arrane dynsee mee voish shenn Manninagh, ben enmyssit Mona Douglas. By vie lhiat clashtyn eh?

Freya: By vie lhiam

ARRANE: GEAY JEH'N AER

Ree Olaf: Emergaid, my veen: Ren mee clashtyn oo goaill arrane. Row eh ny arrane graihagh?

Emergaid: Veh!

Ree Olaf: Shegin da ve my-my-chione eisht!

Emergaid: Mm!

Hiallus: O Ree, ta'n cliwe aarloo son cliaghtey.

Ree Olaf: Yindyssagh. Hee m oo ny s'amney O Emergaid yn Kiaulleaght

Nish lesh my laue er yn cliwe shoh, foddym giarey trooid red erbee. Ogh as yn chaghnooaleaght! Gow shoh...as shoh.. as..

Loan: Gow kiarail t'eh..foyragh!

ARRANE: Ooilley Macabuïn

As ta shoh Macabuín
Yn cliwe smoo sy Loghlynn.
Ta **baase** ayns y vlod echey,
Baase..bun as baare!
Eshyn ta laueaghyn
yn cliwe Macabuín
Nee gearrey trooid creggyn
My dy row agh ad aer